



UNIVERSITÄTS-
BIBLIOTHEK
PADERBORN

Universitätsbibliothek Paderborn

**Ecclesiæ Ac Doctrinæ Lutheranæ Veritas, Ab
impugnationibus Novissimorum Papistarum, Præcipuè
Jodoci Keddii, Nec non Viti Erbermanni, Vindicata**

Nifanius, Christian

Bilfeldiæ, 1673

§. 33.

urn:nbn:de:hbz:466:1-35616

S. 33.

Secundo à nato Salvatore seculo

audiatur primùm omnium S. Justinus qui in epistola ad *Dionnetum* (quæ Tom. 2. Bibl. Pat. habetur initio ante S. Martyris opera) ita differit: *Quid aliud peccata nostra tegere, quam Christi Iustitia? In quo alio nos iniqui & impii pro justis haberi possumus, quam in solo Dei Filio? O dulcem permutationem: O impervestigabile artificium; O beneficia expectationem omnem superantia, ut iniquitas quidem multorum in justo uno abscondatur, iustitia autem unius faciat, ut multi iniusti habeantur pro justis.*

Seculum tertium habet Origenem, qui lib. III. in epist. ad Rom. ad Capitis tertii illa verba: *Arbitramur enim justificari hominem per fidem sine operibus legis, ita loquitur ex versione S. Hieronymi Tomo II. pag. 504. edit. Basil. 1571. vel Tomo III. fol. CLVII. a. b. prelo Ascensian. Paris. an. 1512. Dicit Apostolus sufficere solius fidei justificationem ita, ut credens quis tantummodo iustificetur, etiamsi nihil ab eo operis fuerit expletum. Imminet igitur nobis, qui integram esse scripturam Apostoli conamur asserere & ordine sua cuncta constare, ut requiramus quis sine operibus sola Fide iustificatus sit. Quantum igitur ad*

exemplum pertinet, sufficere arbitror illum latro-
nem, qui cum Christo crucifixus, clamavit ei de cru-
ce: Domine Jesu memento mei cum ve-
neris in regnum tuum. Nec aliud quidquam
describitur boni operis ejus in Evangelis, sed pro
hac sola Fide ait ei Iesus: Amen dico tibi ho-
die mecum eris in paradiso. Apertum
nunc si videtur hujus latronis verba cause Aposto-
li Pauli, & dicamus ad Iudaeum. Ubi est ergo
gloriatio tua? Certum quia exclusa est; ex-
clusa autem non per legem operum, sed per legem
fidei. Per Fidem enim justificatus est hic latro
sine operibus legis, quia super hoc Dominus non re-
quisivit, quid prius operatus esset, nec expectavit,
quid operis, cum credidisset, expleret, sed sola con-
fessione justificatum, comitemq; sibi paradisum
ingressurus assumpsit. Sed & mulier illa, quae in
Evangelio secundum Lucam refertur, quia cum
cognovisset, quod Iesus recubuit in domo Pharisei,
attulit vas unguenti ex nullo legis opere, sed pro
sola Fide ait ad eam remittuntur tibi peccata tua:
Et iterum; Fide stuate salutem fecit, vade in
pace. Sed & in multis Evangelii locis hoc ser-
mone usum legimus Salvatorem, ut credentis Fi-
dem causam esse dicat salutis ejus. Ex quibus o-
mnibus claret, quod recte arbitratur Apostolus,
justificari hominem per Fidem sine operi-
bus legis. Sed fortassis haec aliquis audiens re-
solvatur, & bene agendi negligentiam capiat, si-
quid

quidem ad iustificandum fides sola sufficiat. Ad quem dicemus, quia post iustificationem, si iniuste quis agat, sine dubio iustificationis gratiam sprebit. Neq; ob hoc quis accipit veniam peccatorum ut rursum sibi putet peccandi licentiam datam: indulgentia namque non futurorum sed praeceptorum criminum datur.

§. 34.

Quartum seculum, uti ferax est doctissimorum Virorum, ita etiam plura testimonia nobis suppeditat. Athanasius orat. i. contra Arianos Tom. I. pag. 132. edit. Comelin. Abraham Patriarcha, non morte ad coronam venit sed fide in Deum, aliq; item sancti, non effuso sanguine consummati sunt ἀλλὰ διὰ πίστεως ἐδικαιώθησαν sed per fidem iustificati sunt. Hilarius canone IIX. in Matth. pag. 280. edit. Basil. 1570. Mover Scribas in historia paralytici remissum ab homine peccatum. Hominem enim tantum in Iesu Christo contuebantur: & remissum ab eo, quod lex laxare non poterat; Fides enim sola iustificat. Basiliius homilia αὐτοῦ τὰ πνευματικὰ pag. 217. edit. Basil. 1551. Hec est enim perfecta ac integragloriatio in Deo, quando neq; ob iustitiam suam quis se jactat, sed novit quidem seipsum.

H

ve-